

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 429890 22 St
Tuzla, 11.04.2023. godine

Općinski sud u Tuzli, stečajni sudija Vedran Milašinović, u stečajnom postupku nad stečajnim dužnikom „FARMACOP“ d.o.o. Čelić, za proizvodnju, trgovinu i usluge, ul. Vražići bb, sa podružnicom „FARMACOP“ d.o.o. Čelić, za proizvodnju, trgovinu i usluge, Koraj bb, Lopare, nakon provedenog stečajnog postupka, donio je dana 11.04.2023. godine sljedeće:

RJEŠENJE

OTVARA SE stečajni postupak nad imovinom dužnika „FARMACOP“ d.o.o. Čelić, za proizvodnju, trgovinu i usluge, ul. Vražići bb, sa podružnicom „FARMACOP“ d.o.o. Čelić, za proizvodnju, trgovinu i usluge, Koraj bb, Lopare, matični broj subjekta 32-01-0081-10, JIB: 4209981560001, račun broj: 1322202008791087 otvoren kod NLB banka d.d. Sarajevo.

Za stečajnog upravnika imenuje se Maja Musemić iz Tuzle, ul. Maršala Tita 60.

ZAKLJUČUJE SE stečajni postupak nad imovinom dužnika „FARMACOP“ d.o.o. Čelić, za proizvodnju, trgovinu i usluge, ul. Vražići bb, sa podružnicom „FARMACOP“ d.o.o. Čelić, za proizvodnju, trgovinu i usluge, Koraj bb, Lopare, zbog nedostatka stečajne mase za pokriće troškova stečajnog postupka.

Rješenje će se objaviti na oglasnoj tabli suda, web stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

Obrazloženje

Rješenjem Općinskog suda u Tuzli broj: 32 0 St 429890 22 St od 11.11.2022. godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva „FARMACOP“ d.o.o. Čelić, za proizvodnju, trgovinu i usluge, ul. Vražići bb, sa podružnicom „FARMACOP“ d.o.o. Čelić, za proizvodnju, trgovinu i usluge, Koraj bb, Lopare, a za privremenog stečajnog upravnika imenovana je Maja Musemić iz Tuzle, sve temeljem odredaba člana 61 Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 14.12.2022. godine. Iz izvještaja privremenog stečajnog upravnika proizilazi da društvo ima obaveze koje su prikazane u izvještaju privremenog stečajnog upravnika i prema knjigovodstvenoj evidenciji iznose 315.003,28 KM po kratkoročnim kreditima i 87.062,00 KM prema dobavljačima. Društvo vodi više sudskih sporova i to protiv UIO BH vrijednost spora 62.862,00 KM, Direkcija za robne rezerve KS vrijednost spora 65.431,00 KM, Mushrooms trade doo Laktaši vrijednost spora 8.027,24 KM, PZ Vip Krajina Gradiška vrijednost spora 23.206,15 KM, a također i 4 izvršna postupka. Društvo nema imovinu u stalnim sredstvima koja bi se mogla unovčiti kao slobodna stečajna masa uz napomenu da iz dopisa zaklada ovog suda od 16.11.2022. godine proizilazi da društvo nije upisano kao vlasnik nekretnina upisanih u zaklada knjigu i knjigu položenih ugovora. Račun dužnika je blokirao.

Dakle, privremeni stečajni upravnik nalazi da podnosilac prijedloga za otvaranje stečajnog postupka nije podnio prijedlog u roku od 60 dana od dana nastupanja platežne nesposobnosti, da postoji stečajni razlog za otvaranje stečajni postupka predviđen članom 6 stav 2 i članom 102 Zakona o stečaju.

U smislu odredbe člana 103 stav 1 Zakona o stečaju, a u vezi sa odredbom člana 102 stav 7 Zakona o stečaju F BiH, a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 26.01.2023. godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 60.000,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka. Naime, u toku su parnični postupci u kojima se dužnik pojavljuje u ulozi tužioca, a koji su kompleksni, neizvjesni i očekuje se njihovo dugo trajanje, a također postoje i postupci u kojima je dužnik na tuženoj strani, dok su potraživanja radi čijeg ostvarenja dužnik vodi izvršne postupke teško naplativo zbog nedostatka imovine izvršenika. Iznos predujma se prevashodno odnosi na troškove vođenja navedenih postupaka za narednih 24 mjeseca, a koji postupci bi bili nastavljeni u slučaju otvaranja stečajnog postupka i naknade stečajnog upravnika, a koji troškovi su detaljnije prikazani u pregledu sredstava koje je neophodno uplatiti za vođenje stečajnog postupka a koji je priložen uz izvještaj.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 11/23 dana 15.02.2023. godine, oglasnoj tabli suda dana 27.01.2023. godine i na web stranici suda, kojim se objavama javni poziv smatra dostavljenim.

S obzirom da u ostavljenom roku koji je propisan zakonom predlagač, povjerioci ili neko od zainteresovanih lica nisu izvršili uplatu predujma za obezbjeđenje troškova stečajnog postupka, sud je u smislu odredbe člana 102 stav 8 Zakona o stečaju, donio odluku o otvaranju i zaključenju stečajnog postupka, na način određen u izreci rješenja.

Temeljem odredbe člana 102 stav 8 Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204 stav 1 i 3 Zakona o stečaju, a u vezi sa odredbom člana 190 stav 10 Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti FIA, dok je odredbom člana 204 stav 2 istog zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama FBIH.

Odluka o brisanju pravnog lica iz javnih registara temelji se na odredbi člana 204 stav 5 Zakona o stečaju.

Na osnovu odredbe člana 206 stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102 stav 8 Zakona o stečaju sud je odlučio kao u izreci rješenja.

Stečajni sudija
Vedran Milašinović

POUKA O PRAVU NA IZJAVLJIVANJE PRAVNOG LIJEKA:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana, od dana objavljivanja rješenja u Službenim novinama.